



Sr. Miguel J. Mansur
Lider di Fraccion ACCION 21

STATEN VAN ARUBA

Presidente di Parlamento
Sr. mr. E.G.A. Vrolijk
L.G. Smith Blvd. 72
Oranjestad, Aruba

STATEN VAN ARUBA
Ingek: 01 JUL 2022
Volgnr: IS/1132/21-22

Oranjestad, 01 Juli 2022

Apreciado Sr. Presidente,

Pa medio di e carta aki suscrito kier a pidi sr. Presidente dirigi e siguiente x20 preguntanan pa Minister di Salubridad Publico y Turismo, sr. Danguillaume P. Oduber. Suscrito ta desea di haya contesta por escrito riba su preguntanan. Gradiciendo di antemano pa su amabel cooperacion suscrito ta keda,

Atentamente,

Miguel J. Mansur
Lider di Fraccion ACCION 21



**STATEN VAN ARUBA
LIDER DI FRACCION ACCION 21
SR. MIGUEL J. MANSUR**

01 juli 2022

Preguntanan por escrito di miembro di Parlamento, Sr. Miguel J. Mansur, na Minister di Salubridad Publico y Turismo, Sr. Danguillaume P. Oduber conforme articulo III.17 di Staatsregeling y conforme articulo 59 di Reglement van Orde di Parlamento di Aruba.


Nos a tuma nota den un rueda di prensa di Dr. Hendrik Marsman tocante AruBIG y su preocupacionnan tocante un dentista cu a wordo deteni siman pasa. Dr. Marsman a indica cu ta di oktober 2020 ela informa di iregularidadnan di Dr. Kawaiah na Minister sin ningun respuesta di Minister y e instancianan concerni.

1. Minister tabata na altura di e kehonan entrega pa Dr. Marsman contra Dr. Kawaiah? Si Minister tabata na altura di e kehonan Minister por splica ki stapnan Minister a tuma pa investiga dicho kehonan y comparti resultadonan di e investigacion? Si Minister no a investiga e kehonan, Minister por splica dicon esaki no a tuma lugar mirando e gravedad di e acusacionnan?
2. Minister por comparti cu Parlamento ki investigacion AZV y/of DVG a haci ariba e kehonan di Dr. Marsman? Si esaki ta afirmativo, Minister por comparti cu Parlamento e resultado di dicho investigacionnan? Si esaki ta negativo, Minister por comparti pakiko e kehonan no a wordo investiga?
3. Dr. Marsman y otronan ta insinua cu e maneho di otorga contract na dentistanan no ta cana di un manera abierto. Minister por splica con contractnan ta wordo otorga pa AZV y si ta duna preferencia na yunan di tera cu kier bolbe of esnan ya acredita y/of studia na Hulanda?
4. Minister por splica pakiko no a consulta cu Aruba Dental Society prome cu AZV a otorga contract na Dr. Kawaiah?
5. Minister por comparti si otorgamento di contract na Dr. Kawaiah a sosode segun procedura normal?
6. Minister por splica ta pakiko te awor ta investiga kehonan contra e dentista mientras kehonan a wordo entrega desde 2020?
7. Minister por comparti cu Parlamento cuanto dentista tin trahando actualmente na Aruba? Cuanto di e dentistanan tin contract cu AZV?
8. Cuanto dentista tin trahando bao AruBIG? Cuanto dentista ta studia na Hulanda?
9. Minister por comparti cu Parlamento cuanto dentista tin na Aruba wardando ariba un proximo examen di AruBIG?

10. Minister por comparti cu Parlamento na ki momento tin pensa di ofrece un proximo AruBIG pa dentistanan studia na un universidad cu no ta inclui den e lista di institutonan aproba?
11. Minister por specifica cuanto kaakchirurg tin na Aruba actualmente? Minister por comparti ariba ki fecha nan a wordo contrata y si e contract ta pa nan persona of via un empresa?
12. Minister por splica kiko ta e procedura pa DVG y/of AZV verifica diploma di profesionalnan?
13. Minister por comparti cu Parlamento cuanto dentista, ortodentista y kaakchirurg a haya un contract di AZV despues di eleccion 25 juni 2021?
14. Minister por splica si un profesional cu a haya un contract despues di eleccion 25 juni 2021 ta traha na un praktik/empresa caminda Parlamentario Dr. Vallejo ta director? Si ta afirmativo Minister por a comparti, fecha cu dicho contract a wordo otorga?
15. Minister friends & family ta un di cosnan cu boso gobierno ta wordo tilda di dje frecuentemente. Mirando cu e Director interino di AZV ta un ex-Parlamentario di MEP, mirando cu boso gobierno ta depende di tur x11 parlamentario pa su sobrevivencia con Minister ta percura cu influencia politico no ta infiltra decisionnan na AZV especificamente cu otorgamento di contract?
16. Minister ta kere cu ta apropia pa un miembro di Parlamento actual, voozitter di e comision fiho di Parlamento pa Salubridad Publico ta eherce su funcion di servicio publico MIENTRAS e ta solicita pa bira kaakchirurg y/of busca contract pa individuonan cu ta traha pa un empresa caminda e ta Director?
17. Minister a descubri cualkier evidencia di influencia politico di partido MEP, kisas via ex-Parlamentario di partido MEP kende ta Director interino di AZV y/of Parlamentario Vallejo pa "fix" cos pa su persona?
18. Minister ta kere cu ta un conflicto di interes pa voozitter di Comision Fiho di Parlamento pa Salubridad Publico, un rol hopi importante ora considera e fusie di HOH y ImSan pa alabes ta un solicitante pa trabao na ImSan?
19. Durante tratamento di presupuesto 2022 nos a bin cu un mocion pa urgi Minister cuminsa e proceso di busca un Director pa AZV, preferiblemente uno cu no ta un ex-politico di partido MEP. Minister no a sostene e mocion, despues di tur e incidente nan describi ariba di conflicto di interes, Minister a cambia di idea?
20. Minister ta parce cu e integridad di henter e proceso di otorgamento di contract entre AZV y profesionalnan ta bao cuestion pa no bisa descredita, ki pasonan Minister ta tumando pa sigura cu tur cos ta cana manera debe ser y no tin faborecimiento politico?

Suscrito ta desea di hanja contesta por escrito riba tur su preguntanan.

Atentamente,

A handwritten signature in blue ink, appearing to read 'MANSUR', with a large, sweeping flourish extending to the right.

Miguel J. Mansur
Lider di Fraccion ACCION 21